



Bentiaraq Ottosen

UKA 2026/233-1

Atassut

21. September 2026

Uunga siunnersuut: Peqqinnissaqarfiup sullissineri il.il. pillugit Inatsisartut peqqussutaata allanngortinnissaa pillugu Inatsisartut inatsisaat (Akiliuteqartitsinerusalernissaa kiisalu taaguutinik atorineqartunik naleqqussaalluni nutarterinissaa pillugit malittarisassanik aalajangersaanissamut tunngavissaaq)

Peqqissutsimut Inunnullu Innarluutilinnut Naalakkersuisoq

Atassummiit isumaqarpugut Naalakkersuisut peqqinnissaqarfimmi malittarisassanik nutarterinissamik siunnersuutaat pingaaruteqartoq. Siunnersuutip siunertaraa nunatsinni peqqinnissakkut akeqanngitsumik sullinneqarnissamut pisinnaatigaaffeqanngitsunut, pingaartumik nunatsinni tikeraanut, takornarissanut, peqqinnissaqarfimmi sullissinermut akiliuteqartitsisinnaanermut toqqammaviliisuusasoq.

Atassummiit pingaartipparput erseqqissassallugu siunnersuutip nunaqavissunut, nunatsinni inuit allattorsimaffiani nalunaarsorsimasunut kiisalu nunatsinni najugaqartunut peqqinnissaqarfimmi akeqanngitsumik sullinneqarnissamut pisinnaatitaaffillit pisinnaatitaaffiinik allannguinnissamut siunertarineqanngimmat.

Kisiat maluginiaqqarput ersarissaanermi eqqarsaatigineqartariaqarmat nunatta avataani ilinniariarlutik nuussimasut aamma pisinnaatitaaffiinik arsaarneqannginnissaat aammalu nunatsinni inuit allattorsimaffianiittut sulinngiffeqarlutik nunatsinnut tikeraartut – Danmarkimi inuit allattorsimaffianiittut ilanngunneqannginnissaat pisariaqartoq ersarissarneqarnissaa pingaartutut isigaarput.

Taamaattumik Atassummiit isumarput pingaaruteqartoq oqariartuutigissavarput, malittarisassanik allannguneq naleqquttoq atorineqarnissaa. Tamanna nunatsinnut tikeraat aamma peqqinnissaqarfimmi sullissinermut, kiffartuusinerimut akiliuteqartussaataasut pillugit malittarisassanik erseqqissaataasinnaammat. Tamatumunnga atatillugu aamma pingaaruteqarpoq innuttaasut nunaqavissut pisinnaatitaaffiisa allanngortinneqannginnerat inatsisikkut ersarissumik qulakkeerneqassasoq.

Atassummiit pingaartipparput ajorseriaataasumik kiffartuusineq peqqinnissaqarfitsinni inissisimannginnissaa, assersuutitut oqariartuutigineqassaaq nunaqavissut, nunatsinni inuit allattorsimaffianiittut pillugit kiffartuusineq uukkatarineqarlunilu pitsaanerulernissaa siunertarineqartuaanartariaqarmat. Taamaammat ersarissumik oqaatigaarput siunertat ersarissuunissaat anguneqassasoq, nunatsinni inuit allattorsimaffianni aammalu nunaqavissut



najugaqartuusut sullinneqarnerminni kiffartuuneqarnerminni akiliuteqartussaataanginnermut pisinnaatitaaffimmik arsaartorneqannginnissaat.

Atassummiit taperserparput malittarisassanik aaqqissuusseqqinneq, pissutigalugu peqqinnissaqarfimmi sullissinnermut tunngasut erseqqissuunissaat pisariaqartikkatsigu. Peqatigisaanilli Naalakkersuisut qulakkiissavaat innuttaasut nunatsinni najugaqartut pisinnaatitaaffii allanngortinneqanngitsut, aammalu nunatsinnut tikeraat akiliuteqartussaanerat pillugu malittarisassat ersarilluinnartut.

Taamatut oqaaseqarluta, Naalakkersuisut taperserpagut Inatsisartut Ilaqutariinnermut Peqqissutsimullu Ataatsimiititaliaanut innersuullugu inassutigaarput.